

瀋陽縣志卷之十四

慈善

善堂

醫院

工廠

十字會

孤兒院

牛痘局

棲流所

濟良所

瀋陽縣志

卷十四目錄

一

奉天作新印刷局印

善舉

瀋陽縣志卷之十四

慈善

胞與嬰懷痾瘵在抱鰥寡孤惇哀彼無告旁逮廢疾烝民之窮一夫不獲疚若負躬
水旱自天堯湯莫禱博濟難能任卹宜保西士執義墨行兼愛取與爲善亦附慈類
述慈善

善堂

奉天同善堂 設立懷遠關高台廟西清光緒十一年左壯愍公寶貴馬建侯魏振之藺天
成諸公倡捐創辦爲本城慈善事業之總匯稟准制軍裕祿咨部立案三十三年歸民政
司管理宣統三年改隸警務局現隸警察廳正副堂長各一設文牘收支庶務三股員股
各一委員三所屬施醫院牛痘局棲流所濟良所孤兒院同善男女兩等小學校各一處

醫院

奉天官立衛生醫院 設立福勝關清欽差府舊趾光緒三十一年二月經制軍增祺奏准
創辦以注重地方衛生保和人民健康爲宗旨按日施診內外兩科春秋佈種牛痘院長
一委員三醫官調劑師各二看護長一產科女醫生一僱員三看護生四看護伏六看護
婦一歷辦防疫病院看護醫學堂官立戒烟所與蓋平溝幫子山海關暨奉站沿線等處
防疫事宜宣統二年十一月籌防奉天全省鼠疫三年四月籌辦百斯篤疫研究大會是
年十一月分設奉省兵站醫院及臨時紅十字救濟會民國元年九月辦理征蒙兵站醫
院二年十月派員代表東三省參與法國醫學研究大會每歲患者就診約二千九百五
十餘名住院者約一萬三千五百六十餘名佈種牛痘者約四百名常年經費大洋兩萬
圓

中國紅十字會病院 設立德盛關街西民國四年秋新民縣水災之後疾疹相乘由會創辦臨時施療所是年十一月改組今院施診施藥以實踐衛生救急防疫卹兵爲宗旨正院長一理內科副院長一理外科名譽院長理事長及理事各一藥劑師一助手二看護生四看護婦二分設養病診病手術儲藥接待等室所有職員純盡義務每年診治約共二萬二千餘名所需藥價約五千六百餘圓患者住院養病日收膳費四角就診掛號僅取銅幣六枚會員及貧者并免常年經費悉賴善捐方之同善堂施醫院事雖一致而力不同科開辦之始理事張炳漢獨任籌墊四千餘圓熱心毅力胞與痾瘵足風當世矣

施醫院 附設同善堂內清光緒十三年五月創辦以施藥濟人爲宗旨委員一醫士六司事二書記一按單雙日分診男女兩科施給藥品每年施診約計一萬八千餘人常年經費七千七百七十六圓

瀋陽縣

志

卷十四 慈善

三

奉天作新印刷局印

奉天省城佟氏自立達善醫院 設立天祐關東清宣統元年八月創辦初爲公立民國二二年改歸佟氏渤鰲自立院長一教員二學生三十

附外國醫院

盛京施醫院 設立撫近關小河沿三道溝東清光緒元年英醫學博士司督閣創辦樓舍一百六十楹分設診病留養儲藥宣道各室按日施診內外兩科星期一二四五日爲診病期三六日爲割病期院長一醫士六藥劑師一皆西人學生十餘皆中人每歲診治約四萬餘人常年經費約需十餘萬圓皆由司君勸募中西善士所捐助附設醫科大學一

處見學
校

盛京女施醫院 設立小河沿三道溝西清光緒二十二年創辦樓舍五十餘楹分設診病養病及儲藥宣道等室按日施診同前中西女醫士各二中女醫學生七每歲診治病人

約三萬餘常年經費由英京老教會供給中人亦有捐助者附設產科學堂一處見學校

日本赤十字奉天病院 設立懷遠關大十字街北宣統元年創辦以博愛溥濟爲宗旨院長及副院長各一名譽顧問二醫員三庶務部長調劑員書記各一僱員四看護婦長一看護婦二十一分科四曰外科曰產科曰小兒科曰內科每年診治中外男婦約數萬餘

工廠

奉天官立教養工廠 設立懷遠關高台廟胡同清宣統三年創辦專爲教養性質不良及無業游民而設教以淺近工藝分縫紉洗濯紡綿鞋底四科廠長一教師四庶務一僱員監工各二藝徒二百二十四一年畢業期滿出廠自謀生計不願出廠者聽計自開辦迄今藝成出廠者凡三百餘人就業者四十八人常年經費五千四百圓

十字會

奉天中國紅十字分會 設立撫近關小河沿三義廟舊址清宣統三年由北京上海總會
在奉創辦分會依據瑞士萬國同盟條約以大同博愛恤兵救災爲職務入會會員各給
徽章證書門牌總裁會長理事總長中西理事長各一理事二庶務文牘收發收款差遣
各一會員約千餘經費由公家撥給兩萬圓會員捐助無定額附設醫學校暨紅十字醫
院各一處

孤兒院

奉天孤兒院 設立內治關北籌邊學校舊址民國元年八月故清協領邑紳趙榮綸與遼
紳李新民創辦正副院長各一會計文牘庶務各一教員二男女學生共三十七院內附
設育嬰堂收養嬰兒七保姆一乳母六看護女役四常年經費由捐募開支約需五千圓
牛痘局

牛痘局 附設同善堂內清光緒十三年五月創立其宗旨在保赤濟生局務由醫院委員兼管醫士三每年引種約計二千五百餘人常年經費由堂撥給四百九十圓

棲流所

棲流所 設立同善堂後院清光緒十二年創辦設粥廠二處收養老弱廢疾貧民每年春冬兩季日以五百人爲限夏秋兩季以一百人爲限名譽助理員二司事一常年經費由堂撥給一萬二千二百零二圓

濟良所

濟良所 附設同善堂內清光緒三十三年五月創立宣統元年歸同善堂辦理以維持風化爲宗旨管理員二教員一自初創迄今前後收養無宗親可依之婦女及妓女共三百二十二名經親屬領回者三十三已擇配者二百六十四現在所內妓女二十五日授國

文珠算女工習字修身家政等課程常年經費

圓

善舉

周氏施送慈航丹 邑紳周江字百川清候選同知世居福勝關鐵嶺道東於道光初元施送自製慈航丹丹爲婦科聖劑名副厥實每年約需五百餘料料值一圓計歷施藥料共值五萬餘圓其孫炳官至安徽太平府知府今仍修合施送不替

承氏施送雷公救疫丹 邑紳清宗室承國璽世居福勝關橫街北於光緒癸卯由上海紅十字會授救治泄痢丹方遂發願施濟瘳疾甚夥每年約施四十餘料料重二十八兩供值百餘圓

鄭氏施送七釐散 邑人鄭德玉世居城北大含英屯自光緒八年起在自設吉隆木局內施送此散急救損傷多所保全每年約施五六料每料重九斤共值二百餘圓

陳氏施送慈航普生丹 邑紳副都統銜協領陳榮德字錦廷世居城東南收兵台現居內治關老虎廟西於清光緒十八年起施送婦科普生丹有保嬰益母之功每年約需三萬服計已施藥值共一萬餘圓

陳氏施置義地 在縣城東路二所收兵台西北約三十餘畝清宣統三年邑紳副都統銜協領陳榮德捐置俾貧無葬地者免暴露之虞

李氏施置碾磨 邑紳清分省知府啓泰之妻李佳氏世居福勝關老龍口胡同光緒甲辰日俄戰時鄉民入城避難者甚夥氏於所居門外購置碾磨專應難民舂米之需不受賃資附近居民至今猶利賴之民國四年冬復置磨一具以供衆用並時施寒衣棺木周恤疾苦今氏年逾七旬猶樂善不倦云

王氏碑記丸 邑紳記名副都統連中字畫三於民國元年起施送藥丸救治瘧痢各疾每年約施千餘服計植五十餘圓

劉氏捐施綿衣 邑紳清內閣學士尙賢之母劉佳氏於光緒十八年秋因新民柳河水溢爲災捐助綿衣千襲經制軍裕祿奏准建坊並給予樂善好施字樣以爲博愛者勸

藺氏捐施綿衣善書廟產 邑紳藺天成於光緒初葉每年臘八日捐施綿衣三百襲凡六年又施善書如手鈔夜燈庭訓格言聯璧呻吟語註釋感應篇金剛經都凡數萬卷現在北京錫宅尙存數百卷約值數百金其孫清選用同知祖源附生候選同知祖恩分省補用道祖榮等世居地載關大街西於光緒十九年將太清宮西市房一所共三十餘楹施與太清叢林爲十方常住齋觀之需以宏善業計值瀋平銀四千餘兩

董氏義倉義學 邑紳清揀選知縣舉人董宗舒字輔臣世居城西甯官屯光緒十四年獨出鉅資建置義倉積穀稱貸訂立規約務正業者貸之力田者同孤苦者賑蠲游惰者免

職是鄉人咸知感奮十六年復附設義學二曰慎修齋曰育英齋招本村子弟入學肄業
月旦評其優劣獎戒有差